



Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

XLIX. Markgraf Ludwig vereignet dem Kloster Spandow eine ihm von Friedrich von Belitz zugewandte Hebung aus dem Krüge zu Phöben, am 16, Juki 1339.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

XLVIII. Markgraf Ludwig giebt dem Kloster Spandow für die Aufnahme der Tochter Albert Gruelhuts den See Falkenhagen und eine ihm entzogene Hebung aus den Mühlen zu Spandow zurück, am 28. Mai 1336.

Habetur in legibus Codice de veteri iure enucleando Omnia habere in memoria magis est diuinum quam humanum, humanum necesse est igitur, gesta factaque hominum testimonio litterarum roborari. Hinc est quod nos Lodewichus, dei gracia Brandenburgensis et Lufacie marchio, Comes palatinus Rheni, dux Bawarie, sacri imperii Archicamerarius, maturo consilio nostrorum fidelium vni, Nolentes esse immunes beneficii nobis per deuotas in cristo personas prepositum, priorissam totumque Conuentum Claustrum siti extra muros nostre ciuitatis Spandow in hilaritate exhibiti, in eo videlicet, quod propter deum principaliter, accessorie autem propter nostras preces, Bone voluntatis affectu, receperunt et suo cetui deuoto filiam alberti Gruelhut nostri vasalli fidelis felicitis recordationis aggregarunt, uolentesque ipsis aliqualem reddere recompensam, ne notam ingratitude incurramus vel ipsa incurrat, dedimus et per presentes damus donacione libera predictis sanctimonialibus stagnum valkenhaghen cum omni iure, proprietate et libertate mittentesque prepositum ipsum nomine earundem in veram possessionem proprietatis predictae et iuris proprietatis eiusdem solemnitate consueta, renunciantes simpliciter et totaliter proprietati dicte et iuri eiusdem stagni quoad nos et nostros successores quoslibet ad vsum claustralium predictarum. Rursum inuestimus in situendo prepositum prenarratum nomine earundem ad tres choros siliginis in nostris molendinis Spandow sitos, quibus minus iuste priuate fuerant, quos antea a principibus antiquis, sicuti litteris apertis poterunt probando docere, habuerunt, hos choros ipsis donauimus et in hiis scriptis donamus cum omni iure et proprietate, absque omni inquietatione ac impetitione seu aliquali perturbatione perpetuo possidendos. In huius donacionis, renunciacionis, libertatis proprietatisque maioris euidenciam sigillum nostrum presentibus est affixum. Testes huius sunt: Dominus Johannes de Buch Tutor ac capitaneus noster generalis, Dominus Otto de yleboreck, nobiles, Dominus Guzzo de Guzenberch, Dominus Lodewichus, Dominus Haffo de wedele, Dominus Henninghus de jaghow, Dominus Lodewichus de Grobene, milites, Arnoldus de Grobene in Spandow, Tylo Rutenyk in Lyuenwalde, Henninghus sparre in Byfedal, tunc temporis aduocati et quam plures alii fide digni. Datum Berlyn anno domini M^o CCC^o XXX sexto, feria tertia infra octauam trinitatis.

Nach dem Originale des Geh. Staats-Archives.

XLIX. Markgraf Ludwig vereignet dem Kloster Spandow eine ihm von Friedrich von Belitz zugewandte Hebung aus dem Krüge zu Phöben, am 16. Juli 1339.

Nouerint vniuersi tenorem presencium inspecturi, Quod nos Ludowicus, dei gracia Brandenburgensis et Lufacie marchio, Comes Palatinus Rheni, dux Bawarie sacrique Romani Imperii Archicamerarius, Appropriauimus et presentibus appropriamus sanctimonialibus monasterii Spandowe triginta quinque solidos denariorum brandenburgensium in Taberna ville Weben, quos

Sauptsh. I. Bd. XI.

quidem solidos Fridericus de Belitz pure ac simpliciter propter deum assignauit eisdem et deputauit, singulis annijs tollendos perpetuisque temporibus sine inquietatione qualibet possidendos. In cuius rei Testimonium nostrum Sigillum presentibus est appensum. Testes vero huius sunt Dominus Johannes de Buch Capitaneus noster dilectus, Johannes Hufener camere nostre magister, Beringerus Hele marscalcus, Wilhelmus Bonbrecht pincerna, Henricus de Rischowe curie nostre magister cum ceteris pluribus fide dignis. Datum Berlin anno domini M^o CCC^o Tricesimo nono, In crastino diuisionis apostolorum.

Nach dem Original des Geh. Staats-Archives.

L. Markgraf Ludwig schenkt zum Seelenheil seiner verstorbenen Gemahlin Margareth dem Kloster Spandow eine jährliche Hebung aus den Abgaben der Stadt, am 31. Mai 1340.

Nouerint vniuersi tenorem presencium inspecturi, Quod nos Ludowicus, dei gracia Brandenburgensis et Lusacie Marchio, Comes palatinus Reni, dux Bauarie Sacrique Romanorum Imperii Archicamerarius, ob perhennem memoriam generose Margarete, conthoralis nostre dilecte, bone recordacionis, que proch dolor diuina vocatione vocata, vniuerse carnis debitum exfoluit, dedimus, donauimus et appropriauimus honorabilibus et deodicatis personis abbatisse, priorisse et Conuentui Monasterii sanctimonialium ante muros ciuitatis Spandow siti, ordinis sancti Benedicti, duarum marcarum redditus, annuo tempore in contributione siue pensione ciuitatis predictae perpetuis temporibus debite solutionis tempore percipiendas pariter et tollendas, Volentes tamen, vt ipsam quantitatem in anniuersario domine conthoralis nostre prenotate equaliter inter se mutuo, secundum vniuscuiusque persone, que professä fuerit, statum et exigentiam, diuidant et distribuunt equo modo. Renunciamus eciam pro nobis, heredibus et successoribus nostris omni iuri, actioni et impetitioni, que nobis in premissis duabus marcis hactenus competebat uel competere posset aliquo modo in futurum. In cuius rei testimonium sigillum nostrum presentibus duximus appendendum. Testes vero huius sunt: Nobilis vir dominus Guntherus Comes de Swarzburg, Johannes de Buch, Henricus Richfach curie nostre magister, Johannes Hufener camere nostre magister, Beringerus Hele noster marschalcus, Albertus wolfuesteiner, wilhelmus Bombrecht pincerna, nostri milites cum ceteris pluribus fide dignis. Datum Spandowe, anno domini Millesimo tricentesimo quadagesimo, feria quarta post ascensionem domini.

Nach dem Original des Geh. Staats-Archives.